

欽定大清會典事例

欽定大清會典事例卷五百八

禮部

朝貢

賜予三

嘉慶元年。舉行千叟燕。朝鮮。安南。暹羅。使臣同在。

甯壽宮入燕。

特賜各國正使。每員

聖製千叟燕詩一章。玉如意壽杖各一。錦緞洋花緞雲緞。大卷緞各二疋。福字箋一卷。絹箋二卷。湖筆二十枝。硃墨十錠。硯一方。鼻煙一瓶。鼻煙盒瓷。

牙籤筒洋漆茶盤各一件。副使每員錦緞洋花  
緞各一疋。絹菱一卷。湖筆十枝。硃墨四錠。餘賞  
與正使同。○又

特賜朝鮮國王使臣。照乾隆六十年正月之例。

特賜安南國王物件。與朝鮮國王同。○二年正月。

紫光閣筵燕。

特賞朝鮮暹羅使臣。與元年同。○三年正月。

山高水長筵燕。加賞琉球正副使。與二年

紫光閣賞朝鮮暹羅同。○又

正大光明殿筵燕。使臣獻詩。

賜國王及使臣。與二年賞朝鮮同。○又

山高水長筵燕。加賞琉球正使錦三疋。漳絨三疋。大卷八絲緞四疋。大卷五絲緞四疋。大荷包一對。小荷包二對。副使錦二疋。漳絨二疋。大卷八絲緞三疋。大卷五絲緞三疋。大荷包一對。小荷包二對。十五日獻詩。加

賜國王蟒緞二疋。福字方一百幅。雕漆器四件。玻璃器四件。大小絹箋四卷。筆墨各四匣。硯二方。使臣二員。各大緞一疋。箋紙二卷。筆墨各二匣。○又

召朝鮮。遣羅使臣入

重華宮燕。賞正副使荷包芽茶鼻煙壺火鐮玻璃  
碗福橘等物。○四年

諭年班朝覲之各國使臣。向例俱於紫光閣筵燕一次。  
各有賞賚。今雖停止筵燕。所有伊等應得賞項。仍行  
賞給。以示朕仰體

皇考數錫愷澤之至意。○又奏准。凡

午門外

頒賞外國。即令原管筵之護軍統領。帶領護軍在  
午門前監視彈壓。○是年遣使

冊封琉球國王。

特賜御書海表恭藩四字。○又奉

旨。此次頒發朝鮮國

升配恩詔。著照例賞給該國王緞五十疋。交齋詔之正副使帶往。○又琉球遣使來朝。停止筵燕。無加賞。○五年。緬甸國入貢。於例賞外。

### 特賜國王

御書錫蕃彰順四字。閃緞。錦漳紙。綾。紗羅。各二疋。宮扇十柄。扇二十柄。硯二方。筆四匣。墨香袋。各二匣。絹箋十卷。福字箋二十卷。茶葉十瓶。瓷器。雕漆器。各十。玉器。葫蘆漆器。文竹器。各四。正貢使二

員。每員錦八絲緞宮紬宮紗漳絨波羅麻各二疋。大荷包一對。小荷包二對。瓷器四。茶葉四瓶。銀五十兩。○六年。賞暹羅使臣各江紬羊皮襖一領。連纓皮帽一頂。綾小棉襖一領。綾棉中衣一件。紬棉襪一雙。緞鞞一雙。從人各藍布羊皮襖一領。皮纓帽一頂。布小棉襖一領。布棉褲一件。布棉襪一雙。布鞞一雙。○又琉球遣使朝貢。於例賞外無加賞。○七年正月。賞暹羅朝鮮正副使。與二年同。○十二月。

重華宮筵燕。加賞朝鮮正副使書狀官。各茶葉二

瓶。小荷包一對。玻璃鼻煙壺一箇。小瓷瓶二箇。  
火鏢一把。橘子五箇。尚榴一桶。橙子一桶。柑子  
一桶。○八年。越南國王阮福映初次納貢。

特賜國王蟒緞。粧緞。錦緞。漳絨。閃緞。各八疋。綾緞。春絀  
各二十有七疋。陪臣六員。各小卷八絲緞。春絀  
六疋。紗綾二疋。羽絀八疋。錄事行人。各亮花緞  
四疋。紡絀四疋。紗綾一疋。羽絀四疋。書記通事  
從人。各絀三疋。布八疋。廣西伴送官。各大緞二  
疋。又加

賜國王蟒緞。粧緞。閃緞。錦緞。各四疋。瓷器。漆器。漆桃盒



瓷鼻煙壺各四。螺鈿漆橫榔盒二。茶葉四瓶。

九年正月。

紫光閣筵燕。賞朝鮮正使錦漳絨各三疋。大卷八  
絲緞二疋。大荷包一對。小荷包二對。副使書狀  
官。與二年同。又

正大光明殿筵燕。使臣和詩。

特賜國王及正副使書狀官。與二年同。是年。越南國

王遣使謝

恩。並進十年例貢。十月初一日。

特賜陪臣三員。各藍緞灰鼠皮襖一領。月白紬棉襖一

領月白紬棉套褲一雙。藍緞棉襪一雙。緞鞋一雙。紅布包袱一塊。行人九員。廣西巡撫揀派通事一名。各藍甯紬羊皮襖一領。紡紬棉襖一領。紡紬棉套褲一雙。棉襪一雙。緞鞋一雙。藍布包袱一塊。隨價十五名。各藍布羊皮襖一領。紬面布裏棉襖一領。藍布棉套褲一雙。布棉襪一雙。緞鞋一雙。初六日。

萬壽聖節。

特賜國王蟒緞四疋。雜緞四疋。閃緞四疋。錦緞四疋。瓷器四件。玻璃器四件。絹箋四卷。筆墨各四匣。硯

二方。初七日。

特賜陪臣三員。各綵紬二疋。大緞二疋。小卷五絲緞二疋。瓷器二件。玻璃器二件。箋紙二卷。筆墨各二匣。硯一方。初九日。使臣獻詩。

特賜陪臣三員。各五絲緞一疋。筆墨各一匣。箋紙二卷。○十二月。朝鮮暹羅二國使臣入

重華宮筵燕。

特賜朝鮮正副使書狀官。各茶葉二匣。瓷帶鉤一。鼻煙壺一。玻璃器二。瓷碟一。暹羅使臣四員。從人十九名。衣帽鞋襪有差。並賞三貢使。四貢使。各瓷

盤一。玻璃器二。瓷器一。小荷包一對。茶葉一瓶。  
○十年正月。賞暹羅大貢使錦漳絨各三疋。大  
卷八絲緞。小卷五絲緞各四疋。大荷包一對。小  
荷包四對。二貢使錦漳絨各二疋。大卷八絲緞  
小卷五絲緞各三疋。荷包同。三四貢使。每貢錦  
漳絨各二疋。大卷八絲緞。小卷五絲緞各三疋。  
大荷包一對。小荷包二對。朝鮮正使。小卷五絲  
緞四疋。副使書狀官。小卷五絲緞各三疋。小荷  
包各四對。餘與乾隆六十年同。又使臣和詩。加  
賜國王蟒緞二疋。餘與二年同。正副使書狀官。均與二

年同。是年恭遇

巡幸

盛京。朝鮮國王遣陪臣迎

駕。

恩燕使臣賞正使絳緞一疋。中緞。小緞各二疋。銀五十兩。書狀官中緞二疋。銀四十兩。大通官各中緞一疋。銀三十兩。押物官各小緞一疋。銀二十兩。從人各銀二兩。○十二月。朝鮮琉球使臣來京奉

旨。使臣現未釋服。紫光閣不必入燕。仍照例加賞。迎送

儀節俱不必行。○又暹羅貢使入

重華宮燕。賞玻璃瓶二。鼻煙壺一。瓷帶鈎一。茶葉二瓶。橘一盤。荷包二對。二三四貢使。各玻璃碗二。餘俱與正貢使同。○十一年正月。

紫光閣筵燕朝鮮琉球使臣。加賞正副使。與三年同。○十二年正月。加賞朝鮮正副使書狀官。與二年同。停止筵燕。○又朝鮮正副貢使入

重華宮燕。各賞玻璃瓶碗一。廣橙五。瓷碟一。瓷帶鈎一。茶葉二瓶。鼻煙壺一。荷包一對。書狀官玻璃碗一。餘同。惟無玻璃瓶。鼻煙壺。並賞大通官

荷包一對。又琉球暹羅二國使臣入

重華宮燕各賞玻璃碗二。鼻煙壺一。瓷帶鉤一。茶

葉二瓶。福橘五。瓷碟一。荷包一對。通事荷包一

對。又南掌國貢使來京初次。大頭目二員。各

賞漳絨二疋。綾二疋。小卷五絲緞一疋。洋瓷牙

籤筒一。鼻煙壺一。洋金皮漆茶盤二。大荷包一

對。次頭目一員。漳絨一疋。綾二疋。小卷五絲緞

一疋。瓷牙籤筒一。鼻煙壺一。皮漆茶盤二。小荷

包一對。二次。大頭目二員。各賞小卷緞二疋。茶

葉二瓶。茶膏二匣。茶盤一。瓷器三。次頭目一員。

小卷緞一疋。茶葉二瓶。茶膏一匣。茶盤一。瓷器  
二。通事二名。各小卷五絲緞一疋。三次。

賜國王龍緞大緞倭緞各二疋。絹箋箋紙各一百張。漆  
器十件。○十三年正月。朝鮮貢使入蒙古包燕  
賞正副使書狀官與二年

紫光閣入燕同。使臣獻詩。

賜國王龍緞改蟒緞。餘與乾隆六十年同。正副使書狀  
官並同。○又琉球暹羅二國使臣入蒙古包燕  
賞與乾隆六十年朝鮮正副使同。○十四年十  
月。朝鮮國王遣使臣祝



緞來京。初次賞正副使各玉如意一。玻璃器二。茶葉四瓶。哈密瓜一。大小荷包六。書狀官大小荷包二對。茶葉二瓶。餘與正副使同。惟無玻璃器。二次使臣恭進詩章。賞大緞各一疋。箋紙各二卷。筆墨各二匣。三次賞正副使各小緞三疋。紬一疋。書狀官小緞二疋。紬一疋。四次。

賜國王紫檀敬玉如意一。大卷八絲緞五疋。蟒緞。綉緞各六疋。錦緞。閃緞各二疋。大紡絲五疋。絹箋二卷。筆墨各二匣。硯二方。正副使各大卷八絲緞一疋。小卷八絲緞五絲緞各二疋。箋紙一卷。筆

墨各一匣。大通官三員。各小卷八絲緞一疋。小卷五絲緞二疋。漳絨一疋。銀二十兩。押物官二十一員。各小卷五絲緞一疋。銀十兩。從人二十七名。各銀十兩。五次入。

正大光明殿燕賞正副使書狀官。各大緞二疋。小緞一疋。漳絨。絢紬。各一疋。○又琉球國遣王舅謝

恩於例賞外。加賞緞五疋。○又越南國王祝

嘏使臣入覲。初次賞使臣等各嵌玉如意一。玻璃盤碗各一。大小荷包二對。福元膏一瓶。日鑄牙茶一

瓶。普洱藥茶一瓶。哈密瓜一。二次賞使臣三員。各嵌玉如意一。玻璃器二。福元膏二瓶。大小荷包二對。日鑄牙茶一瓶。哈密瓜一。普洱藥茶一瓶。使臣六員獻詩。加賞每員大緞一疋。箋紙二卷。筆墨各二匣。三次賞使臣三員。各甯紬三疋。大紡紬一疋。四次加。

賜國王嵌玉三鑲如意一。蟒緞六疋。大緞五疋。粧緞六疋。錦緞。閃緞各二疋。大紡紬五疋。絹箋二卷。筆墨各二匣。硯二方。使臣三員。各賞大緞一疋。八絲緞。五絲緞各二疋。綵緞一疋。箋紙二卷。筆墨

各一匣。硯一方。行人九員。各八絲緞一疋。五絲緞二疋。漳絨一疋。銀二十兩。從人十五名。銀各十兩。五次賞使臣三員。各小卷八絲緞一疋。甯綉紡絲各一疋。加

賜國王蟒緞。閃緞。粧緞。各四疋。瓷器。玻璃器。各四。絹箋四卷。筆墨。各四匣。硯二方。使臣三員。各大緞。絲緞。五絲緞。八絲緞。二疋。瓷器。玻璃器。各二。箋紙二卷。筆墨。各二匣。硯一方。六次。

正大光明殿。燕賞使臣六員。各大緞二疋。小緞。漳絨。綿綉。各一疋。○又暹羅貢使入

重華宮燕。賞正使一員。洋瓷帶鉤一。玻璃鼻煙壺一。玻璃碗二。紅橘一碟。茶葉一瓶。荷包二對。副使一員。荷包一對。餘與正使同。○十二月。朝鮮

使臣入

重華宮燕。賞正副使書狀官。各茶瓶二。鼻煙壺一。瓷帶鉤一。柑橘五。瓷碟一。玻璃碟一。惟正使荷包二對。副使書狀官。荷包各一對。○十五年正月。朝鮮使臣入蒙古包燕。賞正使錦漳絨。各三疋。大卷八絲緞。小卷五絲緞。各四疋。大荷包一對。小荷包四對。副使書狀官。各錦二疋。漳絨二

疋。大卷八絲緞。小卷五絲緞。各三疋。大小荷包與正使同。使臣和詩。加。

賜國王及正副使書狀官。均與乾隆六十年同。又暹羅貢使入蒙古包燕。加賞正副使。均與乾隆六十年朝鮮正副使同。十二月。朝鮮使臣入

重華宮燕。賞正使玻璃器二。瓷帶鉤一。瓷盤一。玻璃鼻煙壺一。橘子一碟。茶葉二瓶。荷包二對。副使書狀官。各荷包一對。餘與正使同。十六年正月。朝鮮貢使入。

紫光閣燕。賞正副使書狀官。小荷包各二對。餘俱

與十五年同。使臣和詩。加

賜國王並正副使書狀官均與乾隆六十年同。又暹羅貢使入

紫光閣燕賞正副貢使四員均與乾隆六十年朝鮮正副使同。十月琉球入貢初次賞正使茶葉二瓶茶膏二匣瓷碗三瓷碟一副使茶膏一匣瓷碟二餘與正使同都通事茶葉一瓶餘與副使同。二次賞正使緞一疋絢漳絨各二疋荷包二對漆盤二牙籤筒一瓷鼻煙壺一副使漳絨一疋漆盤一餘與正使同都通事絢一餘與

副使同。三次賞正使錦漳絨各三疋。八絲緞小卷緞各四疋。大荷包一對。小荷包二對。副使錦漳絨各二疋。八絲緞小卷緞各三疋。大小荷包與正使同。○十二月。朝鮮緬甸使臣入

重華宮燕賞朝鮮正使玻璃瓶二。橘一碟。瓷茶鍾一。玻璃鼻煙壺一。茶葉二瓶。荷包二對。副使書狀官。荷包一對。餘與正使同。賞緬甸使臣玻璃器二。瓷鼻煙壺一。餘與朝鮮正使同。○十七年。緬甸使臣入蒙古包燕賞使臣錦漳絨各三疋。大卷八絲緞小卷五絲緞各四疋。大荷包一對。



小荷包二對。○又朝鮮使臣和詩。

賜國王並正副使書狀官。均與乾隆六十年同。入蒙古  
包燕。加賞正副使書狀官。與十五年同。○又朝  
鮮請

冊封世子使臣采京。正使以病乞假。惟副使書狀官。入  
覲。賞副使書狀官。各大緞二疋。紬二疋。皮盤一。瓷鼻  
煙壺一。牙籤筒一。荷包一對。○十二月。朝鮮使  
臣入

重華宮燕。賞正副使書狀官。各玻璃瓶二。茶鍾瓷  
碟各一。玻璃鼻煙壺一。茶葉二瓶。大荷包二對。

又

特賜世子蟒緞四疋。緞四疋。紗羅各四疋。裏各四。加賜國王如意一。片金二。錦二。大紗漳絨。大緞甯絨。俱各二疋。紅洋氈一條。又加賞世子長壽佛一尊。如意一。筆臺二匣。硯二方。絹箋二卷。玉器一。又暹羅貢使入

重華宮燕賞正副使二員。各玻璃瓶二。茶鍾一。玻璃鼻煙壺一。茶葉二瓶。大荷包四對。十八年正月。朝鮮暹羅使臣入

紫光閣燕賞與嘉慶元年同。恭遇

駕幸

圓明園。朝鮮、暹羅、琉球三國使臣迎送。加賞琉球正副使都通事。土通事從人帽帶鞞襪有差。又朝鮮使臣和詩。

賜國王並正副使書狀官。與三年同。○十二月。朝鮮使

臣入

重華宮燕。副使以病乞假。加賞正使書狀官。玻璃瓶、瓷器、鼻煙壺、茶葉荷包等物。○十九年正月。朝鮮使臣入

紫光閣筵燕。賞正副使書狀官。又使臣和詩。加

賜國王及正副使書狀官。均與十八年同。○二十年十

二月。朝鮮使臣入

重華宮燕。賞正使一員。玻璃瓶二。瓷碗碟各一。春  
橘五。玻璃鼻煙壺一。茶葉二瓶。荷包二對。副使  
書狀官一員。各荷包一對。餘與正使同。○二十  
一年正月。

紫光閣筵燕朝鮮使臣。賞正副使書狀官。又使臣  
和詩。加

賜國王及正副使書狀官。均與十九年同。○十二月。朝  
鮮琉球兩國入貢。賞琉球正副使通事從人衣

帽鞞襪有差。兩國使臣入

重華宮燕賞朝鮮正副使書狀官三員。各玻璃瓶  
二。鼻煙壺瓷茶鍾一。紅橋一碟。茶葉二瓶。正使  
荷包二對。副使書狀官各一對。賞琉球正副使  
二員。各玻璃鼻煙壺瓷器一。玻璃椀二。茶葉二  
瓶。荷包與朝鮮同。○二十二年正月。

山高水長筵燕朝鮮琉球兩國使臣賞與三年同。  
朝鮮使臣和詩。

賜國王及正副使書狀官與二十年同。○九月。越南國  
入貢賞凡五次。初次陪臣行人通事從人鞞襪

襖褲有差。二次。每員各大緞一疋。筆墨二匣。箋紙二卷。三次。每員各銅手鑪。銀絲梳。玻璃鐘。鼻煙壺一。瓷盤二。荷包二對。四次。

賜國王蟒緞。粧緞。閃緞。錦緞。各四疋。瓷器。玻璃器。各四。絹箋四卷。筆墨各四匣。硯二方。陪臣每員絢緞。漳絨各一疋。面鏡。雕漆鑲金梳。瓷鼻煙壺各一。荷包各三對。五次。加賞陪臣各綵緞。大緞。五絲緞。八絲緞。一疋。瓷器二。箋紙二卷。筆墨二匣。硯一方。○十二月。朝鮮使臣入

重華宮燕。賞正副使書狀官三員。各紅橘一碟。玻

琉璃鼻煙壺瓷鍾一。玻璃瓶二。茶葉二瓶。荷包正使二對。副使等各一對。○二十三年正月。

紫光閣筵燕朝鮮使臣。加賞正副使書狀官。並赴圓明園和詩。加

賜國王及使臣等。均與二十二年同。○又

駕幸

盛京。朝鮮國王遣陪臣恭迎。加

賜國王

御製詩章。

御書福字。陪臣仍照例賞給。○十二月。朝鮮琉球。入貢。

賞琉球正副使通事從人等衣帽鞞襪與二十一年同。兩國使臣入

重華宮燕。加賞朝鮮正副使書狀官三員。各玻璃杯碗一。鼻煙壺一。描金木碟一。瓷碟一。茶葉二瓶。紅橘五。荷包。正使二對。副使等各一對。琉球正副使與朝鮮同。○二十四年正月。朝鮮琉球使臣和詩。

賜各國王及正副使臣。又兩國使臣於

山高水長入燕。加賞均與三年同。○九月。暹羅南掌。朝鮮。越南。四國王遣使臣祝



報來京。賞凡七次。初次南掌正副使二員。各賞平安吉慶花一匣。普洱芽茶一罐。茶膏一匣。茶葉二瓶。桂花膏一罐。瓷盤二。大小荷包各一對。暹羅副使一員。賞仙果獻瑞花一匣。人漫膏一罐。餘與南掌正副使同。二次。賞越南南掌暹羅使臣行人通事從人等衣帽鞞襪有差。三次。朝鮮正副使。各賞流傳萬代花嵌玉如意普洱茶團。人漫茶膏。雕木香盒各一。荷包正使三對。副使二對。賞越南使臣三員同南掌。正副使二員。各賞文珠匣一。餘與朝鮮越南使臣同。暹羅副使一員。

賞玉如意一。餘與南掌正副使同。四次。朝鮮越南使臣各三員。各賞大緞一疋。箋紙二卷。筆墨各二匣。五次。四國使臣入

正大光明殿燕。如

賜國王。與十四年賞朝鮮國王同。四國使臣八員。各大卷八絲緞一疋。綵緞一疋。小卷八絲緞。五絲緞各二疋。箋紙二卷。筆墨各一匣。硯一方。六次。每員各賞大卷八絲緞二疋。小卷江紬一疋。漳絨。絹紬各一疋。書狀官一員。大卷八絲緞一疋。小卷五絲緞二疋。漳絨一疋。箋紙一卷。筆墨各一

匣。大通官三員。各賞小卷八絲緞一疋。五絲緞二疋。漳絨一疋。銀二十兩。押物官二十員。各賞小卷五絲緞一疋。銀十兩。從人二十六名。銀各十兩。越南行人九員。通事二名。各賞小卷八絲緞一疋。五絲緞二疋。漳絨一疋。銀各二十兩。從人十五名。銀各十兩。南掌後生十名。暹羅通事二名。漢番書記二名。番吹手二名。番跟役八名。賞各與越南同。七次。朝鮮正副使二員。各賞小卷八絲緞五疋。五絲緞二疋。雕漆盒玻璃器皮馬鞞各一。荷包。正使大小三對。副使大小二對。

越南使臣三員。各賞雕漆盒二。玻璃盒一。江紬二疋。縐紬二疋。皮馬粘一。荷包二對。加

賜南掌國王。與十四年賞朝鮮國王同。其正副使二員。各賞大卷紬一疋。小卷五絲緞一疋。小卷紬一疋。雕漆盒二。錫罐茶大小四瓶。玻璃盒一。皮馬粘一。大荷包一對。小荷包二對。暹羅副使一員。賞大卷五絲緞一疋。花紅紬一疋。小卷紬一疋。餘與南掌正副使同。○十二月。朝鮮暹羅使臣入

重華宮燕。朝鮮正使一員。副使書狀官二員。各賞

鼻煙壺一。瓷碗一。玻璃器二。茶瓶二。紅橋一。碟。  
荷包正使四對。副使等各二對。暹羅使臣四員。  
各賞鼻煙壺一。玻璃杯二。瓷器二。茶葉二瓶。柑  
四枚。荷包各二對。通事二名。從人二十名。袍帽  
鞞襪等與十八年賞琉球同。二十五年正月。  
山高水長筵燕朝鮮。暹羅二國使臣。朝鮮正使一  
員。副使書狀官二員。各賞與三年同。暹羅大貢  
使一員。賞大卷八絲緞四疋。小卷五絲緞四疋。  
綿紬三疋。漳絨三疋。餘貢使三員。各賞大卷八  
絲緞三疋。小卷五絲緞三疋。綿紬二疋。漳絨二

足。又入

正大光明殿燕加

賜朝鮮國王及正副使書狀官均與乾隆六十年同。

欽定大清會典事例卷五百九

禮部

朝貢

賜予四

○道光元年四月。越南請襲封陪臣來京。加

賜國王蟒緞。蟒緞閃緞。錦緞各四疋。瓷器四。洋漆蓋罐  
四。雕漆盒四。鼻煙壺四。文竹檳榔盒二。茶葉四  
瓶。陪臣二員。各賞綵緞二疋。大卷八絲緞二疋。  
綾二疋。小卷八絲緞二疋。瓷器二。玻璃器二。洋  
漆蓋罐二。瓷鼻煙壺二。文竹檳榔盒一。茶葉二  
瓶。又

諭。本日禮部具奏賞賚朝鮮使臣員役物件。著照例給賞。其馬匹一項。恐該衙門以係例賞。漫不經意。率以疲羸者充數。著上駟院堂官留心察看。凡有賞賚外藩馬匹。該堂官俱親自挑選擇其堪以充賞者。照例頒給。○二年。

頒給朝鮮國王文獻通考所載該國四臣金昌集等証案已刊正者一編。○十二月。暹羅朝鮮琉球使臣來京。暹羅貢使四員。通事二名。各賞袍帽鞞襪等。與嘉慶十八年賞琉球同。三國使臣入重華宮燕。各賞春橋一碟。瓷器一。玻璃插斗一。瓷



雙管瓶一。綠石鼻煙壺一。茶葉三瓶。荷包二對。  
○三年正月。加賞朝鮮正使一員。大卷八絲緞  
二疋。副使書狀官二員。各小卷八絲緞一疋。賞  
琉球暹羅正副使。均與朝鮮同。又入

紫光閣燕加賞三國使臣。與嘉慶三年同。並賞琉  
球通事從人袍帽鞞襪等。與嘉慶十八年同。琉  
球使臣和詩加

賜國王及正副使亦與嘉慶三年同。○又加賞朝鮮琉  
球暹羅三國正使。各大卷八絲緞六疋。副使各  
小卷八絲緞六疋。○七月。暹羅國王遣使慶賀

萬壽。兩次賞正使漳絨共五疋。錦三疋。銅手鑑一。玻璃器二。瓷器二。銀裏艾瓢碗一。大卷八絲緞四疋。小卷五絲緞四疋。大荷包一對。小荷包二對。副使漳絨共四疋。錦二疋。大卷八絲緞三疋。小卷五絲緞三疋。餘與正使同。○十二月。緬甸朝鮮使臣來京。賞緬甸正副使五員。頭目八名。通事二名。跟役二十二名。袍帽鞵襪等件。與嘉慶十八年賞琉球同。兩國使臣入

重華宮燕。加賞緬甸正副使五員。各鼻煙壺一。玻璃瓶二。瓷器一。茶葉二瓶。正使荷包二對。副使

通事各荷包一對。加賞朝鮮正副使書狀官三員。各甘橘一碟。餘與緬甸使臣同。○四年正月。紫光閣筵燕緬甸朝鮮使臣。加賞緬甸正使大小卷緞各七疋。荷包三對。副使四員。各大小卷緞各五疋。荷包與正使同。加賞朝鮮正副使書狀官。如嘉慶三年之例。又朝鮮使臣和詩。加

賜國王及使臣等。與嘉慶三年賞琉球同。○十二月。朝鮮琉球使臣來京。賞朝鮮副使書狀官。各鼻煙壺一。玻璃瓶二。茶碗一。茶葉二瓶。荷包一對。琉球正副使各橘五。餘與朝鮮使臣同。加賞琉球

正副使都通事跟役袍帽鞞襪等件。與嘉慶十八年同。○五年正月。

紫光閣筵燕朝鮮琉球使臣賞朝鮮副使書狀官各錦二疋。漳絨二疋。八絲緞三疋。五絲緞三疋。荷包三對。羊肉一方。琉球正使大卷八絲緞四疋。小卷五絲緞四疋。錦三疋。漳絨三疋。荷包三對。副使大小卷緞各三疋。錦二疋。漳絨二疋。荷包三對。又兩國使臣和詩。加

賜各國王及使臣等。均與嘉慶三年同。○七月。越南使

臣祝

級來京。陪臣六員。各賞小卷八絲。緞一疋。漳絨二疋。瓷器一。綾二疋。錦匣鏡一。玻璃器一。大荷包一對。小荷包二對。又恭獻詩章。加

賜國王及陪臣物件。與嘉慶二十二年同。○十二月。朝鮮使臣入

重華宮燕。賞正使一員。玻璃瓶二。瓷器二。鼻煙壺一。茶葉二瓶。荷包二對。副使書狀官二員。各荷包一對。餘與正使同。○六年正月。

紫光閣筵燕朝鮮使臣。加賞物件。又使臣和詩。加賜國王及使臣等。均與嘉慶三年同。○十二月。琉球朝

鮮使臣入

重華宮燕。賞琉球正副使各玻璃器二。鼻煙壺一。  
瓷器二。柑五。茶葉一匣。茶葉瓶一。大小荷包各  
一對。又入

保和殿燕。加賞正副使。通事從人。跟侍衣帽鞋襪。  
領衣等件。朝鮮正使。賞玻璃瓶二。鼻煙壺一。瓷  
器一。柑一碟。茶葉二瓶。荷包二對。副使書狀官  
各荷包一對。橙柑各一桶。餘與正使同。○七年  
正月。

紫光閣筵燕朝鮮琉球使臣。賞與前同。又入

正大光明殿燕。並和詩。加

賜國王及正副使。如嘉慶三年之例。○十二月。朝鮮遣  
羅使臣來京。賞貢使通事從人衣帽。鞞襪皮領  
等物。入

重華宮燕。各使臣等。均賞玻璃器二。瓷器二。橘五。  
茶葉大小瓶各二。荷包一對。○八年正月。

紫光閣筵燕。朝鮮遣羅使臣。賞正副使等。又朝鮮  
使臣和詩。加

賜國王及使臣。均與七年同。○是年。生擒逆首張格爾。  
朝鮮遣羅使臣叩賀。

特賜各國王蟒緞閃緞錦漳絨各二疋。六月。朝鮮國王遣貢使來京祝

擬賞凡四次。初次。加賞正使紗四疋。扇二匣。香袋二匣。鼻煙二瓶。手巾一匣。茶葉二瓶。副使書狀官二員。各紗二疋。香餅香袋各一匣。手巾一條。餘與正使同。二次。時值凱旋於

正大光明殿入燕加

賜國王及使臣與嘉慶二十四年同。三次。賞正副使書狀官三員。各大緞二疋。江紬倭緞各一疋。四次。賞正副使二員。各玉如意一。茶膏二匣。瓷瓶一。



雕漆器瓷茶盤各一。香一匣。荷包三對。書狀官一員。荷包二對。餘與正副使同。○十二月。朝鮮琉球二國使臣入

重華宮燕。賞朝鮮正副使書狀官。各玻璃器一。瓷器一。鼻煙壺一。橘一盤。荷包正副使各二對。書狀官二。賞琉球正使鼻煙壺一。玻璃器二。橘五。茶葉二瓶。荷包二對。副使荷包一對。餘與正使同。加賞琉球正副使通事從人衣帽襪襪等物。與七年暹羅同。○九年正月。朝鮮琉球二國使

臣入

紫光閣燕。加賞俱與八年同。又使臣和詩。加

賜國王及正副使亦與八年同。○七月。越南國王遣陪

臣祝

嘏來京。賞凡四次。初次。

特賜國王人蔘一斤。二次。陪臣三員。各賞漳絨二疋。綾  
二疋。小卷緞一疋。雕漆盒一。瓷器一。大荷包一  
對。小荷包二對。玻璃煙壺一。又陪臣獻詩。加

賜國王及陪臣。與嘉慶二十二年同。三次。陪臣三員。各

賞大卷五絲緞一疋。箋紙二卷。筆墨二匣。四次。  
加賞陪臣三員。各紬綿袍。紬裏夾襖。紬夾褲夾

套褲緞襪各一。行人通事從人有差。○是年

九月。恭謁

祖陵。朝鮮國王遣使迎

駕。

持賜國王

御書纈服揚休四字。福壽字各一。弓箭撒袋一分。玲瓏  
鞞轡全備。馬一匹。貂皮百張。龍欄緞四疋。雜緞  
四疋。緞紡絲各五疋。正使賞雜緞一疋。中緞小  
緞各二疋。鞞具馬一匹。銀五十兩。書狀官中緞  
二疋。銀四十兩。大通官三員。各中緞一疋。銀三

十兩。押物官十六員。各小緞一疋。銀共三百二十兩。從人一百六十名。賞銀同。自正使以下。雜襪俱全分。○十二月。朝鮮暹羅二國使臣入

重華宮燕。賞朝鮮正副使。各玻璃器二。鼻煙壺一。瓷器一。柑一盤。小荷包二對。茶葉二瓶。書狀官二員。各玻璃器一。小荷包一對。餘與正副使同。賞暹羅使臣四員。各玻璃器一。瓷器二。橘榴各一桶。鼻煙壺一。茶葉二瓶。並加賞通事從人衣帽。雜襪等物。與二年同。○十年正月。

紫光閣筵燕。賞朝鮮正使。錦漳絨各三疋。大小卷

緞各四疋。大荷包一對。小荷包二對。副使書狀  
官四員。每錦漳絨各二疋。大小卷緞各三疋。荷  
包與正使同。又使臣和詩。加

賜國王及使臣。與嘉慶三年賞琉球同。加賞暹羅正使。  
絲緞六疋。大小卷緞各四疋。大荷包一對。小荷  
包二對。綠葡萄一袋。餘三員。各絲緞四疋。大小  
卷緞各三疋。荷包與正使同。○十二月。朝鮮國  
入貢。賞正使玻璃器二。鼻煙壺一。瓷器一。橘一  
盤。茶葉二瓶。荷包二對。副使書狀官。各賞玻璃  
碗一。瓷器一。插斗一。芽茶一瓶。荷包一對。餘與

正使同。又賞正副使書狀官。尚榴廣橙各一桶。羊肉一方。奶子饅首各一碟。○又暹羅國王遣使臣祝

蝦來京。入

瀛臺燕。賞正使玻璃器一。瓷器二。餘與朝鮮正使同。副使荷包一對。餘與正使同。並加賞正副使通事從人衣帽鞋襪等物有差。○十一年正月。紫光閣筵燕。賞朝鮮正使錦線緞各三疋。副使書狀官三員。每錦線緞各二疋。餘與十年同。加

賜暹羅國王。與嘉慶二十四年同。賞正使與朝鮮同。又

賞暹羅正使大卷緞絲緞各一疋。小卷八絲緞  
五絲緞各二疋。箋紙二卷。筆墨二匣。硯一方。副  
使大卷八絲緞二疋。小卷江紬一疋。坐褥面一。  
綢紬一疋。錦絲緞各二疋。加賞暹羅副使大卷  
八絲緞。小卷五絲緞各三疋。大荷包一對。小荷  
包二對。通事漢番書記四名。各八絲緞一疋。五  
絲緞二疋。坐褥面一。銀各二十兩。番吹手五名。  
各五絲緞一疋。銀各十兩。番跟役十三名。銀各  
十兩。又朝鮮國王遣使請

封世孫。加

賜國王及世孫物件。與嘉慶十七年同。○七月。越南國

王遣使臣祝

蝦來京。賞凡四次。初次加

賜國王與暹羅同。陪臣獻詩。加賞三員。各大緞一疋。箋  
紙各二卷。筆墨各二匣。二次。賞陪臣三員。與暹  
羅正使同。行人八員。各小卷八絲。緞一疋。五絲  
緞二疋。漳絨一疋。銀各二十兩。從人九名。銀各  
十兩。三次。賞陪臣三員。各小卷八絲。緞袍料一  
件。綾漳絨各二疋。大荷包一對。小荷包二對。瓷  
器一。葫蘆器一。玻璃鼻煙壺一。四次。賞陪臣行



人從人衣帽鞞襪等物。與九年同。十二月朝  
鮮正副使來京入

瀛臺燕賞正使玻璃器二。玻璃鼻煙壺一。瓷器一。  
成鮮果瓷盤一。茶葉二瓶。小荷包二對。副使書  
狀官二員。小荷包一對。餘與正使同。又琉球  
貢使來京入

瀛臺燕賞正使玻璃器一。鼻煙壺一。瓷器二。橘一  
盤。茶葉二瓶。小荷包二對。副使小荷包一對。餘  
與正使同。十二年正月。

紫光閣筵燕朝鮮琉球暹羅三國使臣。加賞正副

使等。俱與九年同。又朝鮮琉球使臣和詩。加

賜各國王及使臣。與嘉慶三年同。○又南掌國王遣使

臣祝

報來京入

紫光閣燕初次。賞與朝鮮正副使同。加

賜國王。與越南國王同。正副使二員。與越南陪臣同。頭  
目通事各一名。與越南行人同。後生八名。與暹  
羅番吹手同。跟役一名。與越南從人同。二次。加  
賞衣帽鞋襪等物。與暹羅正副使通事從人同。  
三次。偕暹羅使臣同入

瀛臺燕正使各賞玻璃器二。鼻煙壺一。盛紅橘綠  
龍盤一。瓷器一。茶葉二瓶。荷包二對。副使荷包  
一對。餘與正使同。○十二月。朝鮮琉球兩國使

臣入

瀛臺燕各賞玻璃器二。鼻煙壺一。瓷器一。盛鮮果  
瓷盤一。茶葉二瓶。小荷包二對。加賞琉球正副  
使通事從人。衣帽鞋襪等物。與十二年暹羅同。  
○十三年正月。

紫光閣筵燕朝鮮琉球兩國使臣。賞正副使等。與  
十二年同。使臣和詩。加

賜國王及使臣等。與嘉慶三年同。○七月。越南國王遣

陪臣祝

報來京。賞凡四次。初次。陪臣三員。各賞漳絨二疋。綾二疋。小卷緞一疋。葫蘆器一。瓷器一。玻璃鼻煙壺一。大荷包一對。小荷包二對。二次。陪臣獻詩。加賜國王蟒緞錦緞雜緞閃緞各四疋。瓷器玻璃器各四。絹箋四卷。筆墨各四匣。硯二方。賞陪臣三員。各大卷五絲緞一疋。箋紙二卷。筆墨各二匣。三次。賞陪臣三員。各絲緞二疋。大緞二疋。小卷五絲緞八絲緞各二疋。瓷器二。玻璃器二。箋紙二卷。

筆墨各二匣。硯一方。四次。加賞陪臣行人隨人。通事袍襖鞵襪有差。○十二月。朝鮮緬甸兩國入貢。值停止筵燕。賞朝鮮正副使書狀官。與十二年同。賞緬甸正副使。與朝鮮同。○十四年正月。停止筵燕。加賞朝鮮緬甸正副使等。俱與十三年同。朝鮮使臣和詩。加

賜國王及使臣等。與嘉慶三年賞琉球同。並賞緬甸正副使頭目通事跟役衣帽鞵襪等物有差。○是年。

皇后禮成。

特賜緬甸國王緞五十疋。王妃緞三十疋。交貢使齎回。

○十二月。朝鮮琉球暹羅三國正副使入

宮燕。賞與十三年同。○十五年正月。

紫。○暹羅朝鮮琉球暹羅各使臣。賞與十四年

同。○十二月。朝鮮國入貢。恭遇

駕幸

瀛臺。使臣於

西華門外瞻觀。賞與十四年同。○十六年正月。朝

鮮使臣隨班叩賀。加賞與十五年同。○四月。朝

鮮遣使朝貢。例賞外無加賞。○十二月。朝鮮琉球兩國使臣入

重華宮燕。賞朝鮮正副使書狀官。與十五年十二月同。賞琉球正副使與十五年正月同。○十七年正月。

紫光閣筵燕朝鮮琉球使臣。賞朝鮮正副使書狀官。如嘉慶十五年之例。賞琉球正副使。與嘉慶三年同。○六月。朝鮮國王請

封王妃。使臣無加賞。○八月。越南國王遣陪臣祝嘏來京。賞凡五次。均與十三年同。又

特賜國王

御書粥服海隅四字。賞同前。○十二月。朝鮮國入貢。正副使書狀官於

重華宮入燕。賞與十六年同。○又暹羅琉球二國使臣於

重華宮入燕。賞與朝鮮同。加賞正副使通事從人衣帽鞞襪等物有差。○十八年正月。朝鮮使臣和詩。加

賜國王。如嘉慶三年賞琉球之例。又偕暹羅使臣於紫光閣入燕。加賞與十七年同。○十二月。朝鮮琉



琉球二國使臣於

重華宮入燕。朝鮮賞與十七年同。琉球賞與十六年同。十九年正月。

紫光閣。鮑燕朝鮮琉球二國使臣。賞各正副使等。與十八年同。使臣和詩加。

賜國王使臣亦均同。並賞琉球正副使。都通事主通事。從人衣帽鞞襪有差。○三月。琉球使臣來京。賞正副使。都通事。主通事。衣帽鞞襪等物。○十二月。朝鮮使臣入。

瀛臺。燕賞與十八年同。○二十年正月。

紫光閣筵燕。朝鮮使臣賞與十九年同。嗣值

孝全成皇后大事。該國正副使書狀官大通官押物官

共三十員。各賞孝布一。一體成服。○五月。朝鮮

使臣來京。赴

孝全成皇后几筵。前進香。加

賜國王雜緞錦緞大卷八絲緞天青素緞各四疋。○十

二月。朝鮮使臣來京。賞與十九年同。○二十一

年正月。朝鮮使臣隨班叩賀。賞與二十年

紫光閣筵燕同。○閏三月。琉球使臣到京。賞正副

使都通事主通事官生從人衣帽鞋襪有差。○

七月。越南遣陪臣告訃。並請

冊封。賞國王及陪臣。與元年同。加賞與十一年恭進  
萬壽貢同。○十二月。朝鮮南掌兩國使臣到京。入

重華宮燕。各賞果盒一。果碟一。奶茶一碗。玻璃器  
二。鼻煙壺一。瓷器二。茶葉二瓶。小荷包二對。加  
賞南掌正副使。先目。通事後生。跟役。衣帽。鞵襪。  
有差。○二十二年正月。

紫光閣筵燕朝鮮南掌二國使臣。賞朝鮮正副使。  
書狀官。與二十一年正月同。加

賜國王及使臣。與嘉慶三年賞琉球同。加

賜南掌國王紫檀嵌玉如意一。蟒緞雜緞各六疋。大卷  
八絲緞大紡絲各三疋。綫紬閃緞各二疋。絹箋  
二卷。筆墨各二匣。硯二方。正使錦絲緞各三疋。  
大卷八絲緞。小卷五絲緞各四疋。大荷包一對。  
小荷包二對。副使錦絲緞各二疋。八絲緞五絲  
緞各三疋。荷包與正使同。先目通事二名。各小  
卷八絲緞一疋。五絲緞二疋。絲緞一疋。銀二十  
兩。後生六名。跟役二名。各小卷五絲緞一疋。銀  
十兩。○十二月。朝鮮琉球二國使臣來京。各賞  
與二十年十二月同。○二十三年。

紫光閣筵燕朝鮮琉球二國使臣。賞朝鮮正副使等。與二十二年同。加賞正使大卷八絲緞袍褂料一件。五絲緞袍褂料五件。紡絲二疋。貂皮十。賞琉球正副使。與朝鮮同。加。

賜國王及正副使。與嘉慶三年同。並賞正副使通事從人衣帽鞞帶有差。二十四年十二月。朝鮮琉球二國使臣在。

重華宮瞻覲各賞。與二十二年同。二十五年正月。

紫光閣筵燕朝鮮琉球二國使臣。各賞俱與二十

二年同加

賜各國王及使臣亦均同。並賞琉球正副使通事從人  
衣帽鞞襪有差。○十二月。朝鮮越南二國使臣  
來京。賞朝鮮正副使等。與二十四年同。賞越南  
國王及使臣。與十七年八月同。○二十六年正  
月。

紫光閣筵燕朝鮮越南二國使臣。各賞俱與二十  
四年同。加

賜各國王及使臣亦均同。並賞越南陪臣行人通事衣  
帽鞞襪有差。○五月。朝鮮使臣來京。無加賞。○

十二月。朝鮮琉球二國使臣來京。各賞與二十五年同。入。

保和殿燕。各賞與上年。

紫光閣筵燕同。改閃緞二疋為圓金緞二疋。○二十七年正月。

紫光閣筵燕。朝鮮琉球二國使臣。每員賞閃緞漳緞各三疋。大小卷緞各四疋。大荷包一對。小荷包二對。加。

賜國王與二十五年同。又使臣入。

正大光明殿燕。各賞大緞一疋。箋紙二卷。筆墨各。

二匣。加賞琉球正副使都通事從人衣帽鞞襪有差。○十二月。朝鮮暹羅二國使臣來京。各賞與二十六年十二月同。○二十八年正月。

紫光閣筵燕朝鮮暹羅二國使臣。各賞與二十六年正月同。加

賜各國王亦均同。朝鮮使臣入

正大光明殿燕。賞與二十七年同。暹羅使臣回國。加賞正二三四貢使通事番漢書記從人衣帽鞞襪有差。○十月。越南遣陪臣告訃。並請

冊封。各賞俱與二十一年七月同。○咸豐二年。



冊立

皇后禮成

賜朝鮮國王王妃緞疋與道光十四年同。○三年

諭暹羅貢使行抵商邱遇賊搶劫著即改道妥為護送

回國所有賞賚各物並御書扁額敕書著補行頒給

○四年

諭加賞緬甸國衣服等件著歸雲貴總督辦理。○十一

年。

駕幸熱河朝鮮國王遣使臣奉表請

安賞該拉馬從人等一百四十六名銀與乾隆四十八

年同。○同治元年。崇上

慈安皇太后

慈禧皇太后徽號

賜朝鮮國王王妃緞三十疋。○十二月。朝鮮使臣來京。

賞與道光二十七年同。改閃緞為蟒緞。改八絲

緞為江紬。改五絲緞為綾紬。○二年十二月。朝

鮮使臣入

紫光閣燕賞與元年同。○四年。

特賜朝鮮國王

御書教敷箕壤四字。

特賜琉球國王

御書瀛嶠屏藩四字。又

諭。現值朝鮮琉球使臣來京朝貢。各該衙門於一切應  
行事宜。務須懷遵定例。揀派妥員。詳慎辦理。毋得任  
聽吏胥苟簡從事。該堂官等如查有辦理不能妥協  
之處。即將承辦之員。據實叅處。五年十二月。朝鮮  
使臣來京。入

保和殿燕賞。與二年同。六年五月。琉球國入貢  
兼謝

御書扁額使臣來京。賞正使蟒緞漳絨各三疋。大卷五

絲緞四疋。小卷綾縐四疋。大荷包一對。小荷包二對。加賞正使都通事。主通事。從人。綿衣呢帽。鞞襪有差。○十月。琉球恭謝。

冊封使臣來京。賞正使蟒緞漳絨各三疋。大卷宮紬四疋。小卷綾縐三疋。大荷包一對。小荷包二對。加賞正副使使者都通事。主通事。主通事。從人。皮衣帽鞞襪有差。○七年十二月。朝鮮國入貢。賞正使蟒緞漳絨各三疋。大卷五絲緞四疋。羽紬四疋。大荷包一對。小荷包二對。副使書狀官。每蟒緞漳絨各二疋。五絲緞羽紬各三疋。餘與

正使同。八年正月。越南國入貢。賞凡四次。初  
次。

賜國王蟒緞八疋。梅花雜緞紫圓金緞各四疋。雕漆盒  
四。雕象牙盒二。瓷器四。玻璃鼻煙壺四。黑皮梳  
四。茶葉四瓶。陪臣三員。每蟒緞大卷八絲。緞白  
羅各四疋。玻璃鼻煙壺四。漆盒二。玻璃器四。黑  
皮梳四。瓷器四。茶葉四瓶。二次賞陪臣三員。染  
貂冠貂皮領袖綿襖褲套褲袖面狐皮袍。緞鞋  
襪。絲帶俱各一。行人通事隨人。衣帽鞋襪有差  
三次。

賜國王鑲玉如意一。大緞五疋。蟒緞十有二疋。閃緞圓  
金緞各一疋。大卷羅五疋。各色絹箋二卷。筆二  
匣。墨四匣。硯二方。陪臣三員。每大緞蟒緞各一  
疋。小卷羽絨各四疋。箋紙二卷。筆一匣。墨二匣。  
硯一方。行人七員。各大卷羽絨一疋。小卷羽絨  
二疋。漳絨一疋。銀各二十兩。隨人九名。銀各十  
兩。四次賞陪臣黎峻鑲青金如意一。大瓷花瓶  
玉花瓶大瓶鼻煙帽緯各一。羽絨二疋。大荷包  
二對。阮恩備黃竝各鑲玉如意一。餘同。八月。  
琉球國入貢。

賜國王與嘉慶三年同。正使屯絹羽絨各四疋。圓金緞三疋。漳絨三疋。大荷包一對。小荷包二對。副使屯絹羽絨各三疋。圓金緞漳絨各二疋。餘與正使同。加賞正副使都通事官生土通事從人衣帽鞋襪有差。○十二月。朝鮮國入貢。賞正使蟒緞漳絨各二疋。大卷江絨。小卷羽絨各三疋。副使蟒緞漳絨各二疋。荷包一對。小荷包二對。副使蟒緞漳絨各二疋。大卷江絨。小卷羽絨各三疋。餘與正使同。○九年十二月。朝鮮國入貢。賞正副使書狀官與八年同。惟改羽絨為屯絹。○十年二月。琉球國入

貢賞凡五次。初次。

賜國王與嘉慶三年同。正使圓金緞漳絨各三疋。彭緞羽絨各四疋。大荷包一對。小荷包二對。副使圓金緞漳絨各一疋。彭緞羽絨各三疋。餘與正使同。二次。賞正副使都通事土通事從人衣帽鞋襪。有差。三次。賞正使天青羽紗。沈香紗各一疋。三鑲玉如意一。紅瓷瓶梳各一。玉雙環瓶一。大蓮梳二。五福盤一。鼻煙一瓶。帽緯一匣。大荷包二對。茶葉四匣。副使玉方瓶一。無紅瓷梳。餘與正使同。都通事青盤一。西紅梳二。茶葉三瓶。四次。



賞正使蟒緞漳絨各三疋。江紬通海紬各四疋。大荷包一對。小荷包二對。副使蟒緞等各二疋。江紬等各三疋。荷包同。都通事江紬漳絨各一疋。漆痰盂一。鼻煙壺一。小荷包二對。五次賞正副使各織染局小卷袍褂料一件。如意一。玉器瓷器各一。帽緯一匣。鼻煙壺一。大荷包二對。

八月。越南使臣來京。

賜國王蟒緞八疋。圓金緞四疋。瓷器皮盤各四。漆器菊瓣碟四。洋漆香盒二。玻璃煙壺四。茶葉四瓶。陪臣三員。各蟒緞一疋。白羅二疋。八絲緞二疋。羽

紬二疋。玻璃器瓷器各二。皮盤二。鼻煙壺二。洋漆香盒一。並賞陪臣行人通事隨人象醫專牧皮袍綿襖皮冠氈冠鞞襪有差。十一年九月。

大婚禮成。

賜朝鮮國王王妃緞疋。與咸豐二年同。又加上

慈安端裕皇太后

慈禧端佑皇太后徽號。賞與前同。○又朝鮮國慶賀

大婚使臣來京。

賜國王蟒緞六疋。圓金緞四疋。大卷宮紬六疋。大紡絲

五疋。絹箋二卷。筆墨四匣。硯二方。正副使二員。

各大卷八絲緞一疋。小卷八絲緞二疋。蛛緞一疋。小卷五絲緞二疋。箋紙二卷。筆墨二匣。硯一方。書狀官大卷八絲緞一疋。小卷八絲緞五絲緞各二疋。漳絨一疋。箋紙一卷。筆墨各一匣。大通官三員。各小卷八絲緞一疋。小卷五絲緞一疋。漳絨一疋。銀二十兩。押物官十七員。各小卷五絲緞一疋。銀十兩。從人二十三名。銀各十兩。

○又朝鮮例貢使臣來京。暨除夕入

保和殿燕賞均與八年同。○十二年三月。琉球使臣來京。賞凡四次。初次。

賜國王蟒緞二疋。福字方百幅。大小絹箋四卷。筆墨四匣。硯二方。玻璃器四。墨漆木碗四。正使片金漳絨各三疋。大卷八絲緞小卷五絲緞各四疋。大荷包一對。小荷包二對。二次賞正使玉如意一。玉筆牀一架。瓷瓶瓷碟各一。瓷碗三。手鑑一。紬緞各二疋。帽緯一匣。茶葉二瓶。又二匣。荷包二對。副使瓷碗二。餘與正使同。都通事瓷碗瓷碟各二。茶葉一瓶。又一匣。三次賞正使三鑲玉如意一。雙玉環瓶一。白瓷瓶一。袍褂料一件。蟒緞漳絨各三疋。大卷八絲緞小卷五絲緞各四疋。

手鑑一。帽緯一匣。荷包二對。副使玉瓶一。紅瓷瓶一。蟒緞漳絨各二疋。大卷八絲緞小卷五絲緞各三疋。餘與正使同。都通事紬緞漳絨各一疋。玻璃鼻煙壺一。墨漆木碗一。小荷包二對。四次賞正副使通事從人衣帽鞞襪有差。○光緒元年。朝鮮國撥舟濟渡凱撤官兵。

賜國王蟒緞倭緞錦各一疋。閃緞表緞各一疋。二年。加上

慈安端裕康慶昭和莊敬皇太后

慈禧端佑康頤昭豫莊誠皇太后徽號

賜朝鮮國王王妃緞三十疋。○又朝鮮使臣來京。賞  
與同治十一年同。○三年四月。越南使臣來京。  
賜國王蟒緞。錦緞。雜緞。閃緞。各四疋。瓷器。洋漆盤。各  
四。玻璃鼻煙壺。四。黑皮梳。四。文竹檳榔盤。二。陪  
臣三員。各蟒緞二疋。大小卷八絲緞各一疋。白  
羅二疋。玻璃器。瓷器各二。玻璃鼻煙壺二。黑皮  
梳二。文竹檳榔盤一。茶葉二瓶。並賞陪臣行人  
通事隨人皮綿袍。襖帽。領。鞋襪。有差。○十二月。  
朝鮮使臣來京。賞與二年同。○四年十二月。朝  
鮮使臣來京。賞與三年同。○五年十二月。朝鮮

使臣來京。賞與四年同。○七年十二月。朝鮮使  
臣來京。賞與五年同。○八年十二月。朝鮮使臣  
來京。賞與七年同。○九年十二月。朝鮮使臣來  
京。賞與八年同。○十年十二月。朝鮮使臣來京。  
入

保和殿燕。賞與九年同。○十一年十二月。朝鮮使  
臣來京。入

保和殿燕。賞與十年同。○十二年十二月。朝鮮使  
臣來京。入

保和殿燕。賞與十一年同。